

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 5. stav (1) Uredbe o načinu, uslovima osnivanja i utvrđivanju visine naknade za rad komisija koje osniva Vlada Zeničko-dobojskog kantona i rukovodilac kantonalnog organa državne službe (“Službene novine Zeničko-dobojskog kantona” broj: 20/20 i 14/21), na prijedlog Ureda premijera, Vlada Zeničko-dobojskog kantona, na 22. sjednici, održanoj dana 29.03.2024. godine, d o n o s i

ZAKLJUČAK

I.

Donose se Kriteriji za izbor i imenovanje predsjednika i članova Komisije za osnivanje Ureda za javne nabavke Vlade Zeničko-dobojskog kantona.

II.

Kriteriji iz tačke I. čine sastavni dio ovog zaključka.

III.

Zaključak stupa na snagu danom donošenja.

Broj: 02-30-6494/24

Datum, 29.03.2024. godine

Zenica

PREMIJER

Nezir Pivić

DOSTAVLJENO:

1x Ured premijera Zeničko-dobojskog kantona

1x Stručna služba Vlade - oglasna ploča,

1x a/a.

K R I T E R I J I
za izbor i imenovanje predsjednika i članova
Komisije za osnivanje Ureda za javne nabavke Vlade Zeničko-dobojskog kantona

I.

Vlada Zeničko-dobojskog kantona propisuje slijedeće Kriterije za izbor i imenovanje predsjednika i članova Komisije za osnivanje Ureda za javne nabavke Vlade Zeničko-dobojskog kantona (u daljem tekstu: Komisija):

- a) predsjednik i članovi Komisije će biti izabrani iz reda državnih službenika iz organa uprave, upravnih organizacija i službi Zeničko-dobojskog kantona,
- b) izuzetno, član Komisije može biti i osoba koja nije u radnom odnosu organa uprave, upravnih organizacija i službi Zeničko-dobojskog kantona, a koja bude predložena zbog svoje stručnosti kao vanjski saradnik,
- c) predsjednik i članovi Komisije moraju imati stečenu diplomu visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visokog obrazovanje prvog, drugog ili trećeg ciklusa Bolonjskog sistema studiranja koji se vrednuje s najmanje 240 ECTS studijskih bodova ekonomske, tehničke, pravne ili upravne struke,
- d) predsjednik i članovi Komisije moraju imati najmanje tri godina radnog staža u struci nakon sticanja VSS, odnosno visokog obrazovanja,
- e) da najmanje jedan član ima iskustvo u radu sa javnim nabavkama,
- f) u postupku imenovanje Komisije Vlada Zeničko-dobojskog kantona će voditi računa o ravnopravnoj zastupljenosti konstitutivnih naroda i spolova,
- g) osoba koja će obavljati administrativno-tehničke poslove za potrebe Komisije će biti izabran iz reda namještenika iz organa uprave, upravnih organizacija i službi Zeničko-dobojskog kantona,
- h) broj članova Komisije ne može biti veći od pet.

II.

Na osnovu Kriterija iz tačke I., Vlada Zeničko-dobojskog kantona će imenovati predsjednika i članove Komisije i osobu koja će obavljati administrativno-tehničke poslove za potrebe Komisije, a u skladu sa odredbama Zakona o Vladi Zeničko-dobojskog kantona ("Službene novine Zeničko-dobojskog kantona", broj: 7/10 i 3/23) i Uredbe o načinu, uslovima osnivanja i utvrđivanju visine naknade za rad komisija koje osniva Vlada Zeničko-dobojskog kantona i rukovodilac kantonalnog organa državne službe ("Službene novine Zeničko-dobojskog kantona" broj: 20/20 i 14/21).

III.

Ovi Kriterij će biti objavljeni na oglasnoj tabli Stručne službe Vlade Zeničko-dobojskog kantona.

Broj: 02-30-6494/24
Datum, 29.03.2024. godine
Zenica

PREMIJER

Nezir Pivić

DOSTAVLJENO:
1x Ured premijera Zeničko-dobojskog kantona

1x Stručna služba Vlade - oglasna ploča,
1x a/a.